

江

西

詩

徵

江西詩徵卷三十七

南城曾煥寶谷編輯

元

楊允孚

允孚字和吉吉水人不樂仕進以布衣奔走萬里窮西北之勝郭靜思雅愛重之

灤京雜咏一百首

北顧宮庭暑氣清神堯聖禹繼昇平今朝建德門前馬千里灤京第一程

此以下多述途中之景
行幸上京蓋云避暑也

納寶盤營象輦來畫簾瓊暖九重開大臣奏罷行程記萬歲聲傳龍虎臺

龍虎臺納寶地也凡車駕行幸宿頓之所謂之寶寶又名納鉢

江西詩徵

卷三十七元十三

宮車次第起昌平燭炬千籠列火城纔入居庸三四里珠簾高掛聽嗚鴛

營盤風軟淨無沙乳餅羊酥當啜茶底事燕支山下女生平馬上慣琵琶

羽獵山陰射白狼太平天子狩封疆峯巒頻轉丹樓穩輦輅初停白晝長

居庸千古翠屏環飛騎將軍駐兩關萬里車書來上國太

平弓矢護青山

兩關謂南口北口

穹崖幻出梵王宮雙塔中間一逕通四月雨餘山更碧六

龍行處日初紅

至正年間始營雙塔宮闕雖我直通絕嶺

翎出王侯部落多香風簇簇錦盤陀燕姬翠袖如玉白

按轅條駕駱駝

轅條車前橫木按之則輕重前後適均

仙峽琴鳴水木多別離見月奈愁何題名石壁遶金字宿

雨殘風半滅磨

彈琴峽也

狼山山下曉風酸掩面佳人半怯寒倚戶殷勤喚嘗粥止

宜倦客宿征鞍

俗賣豆粥

榆林御苑柳絲絲昨夜宮車又黑圍宿衛一時金帳卷鎗

竿珍重白雲飛

此處有御苑黑圍地名大駕靜山之所俗云龍上槍竿是以御駕不由此處

斷隄遺址古長城一運中分萬柳青年少每炊舊酒美詩

人偏厭綺羅腥

汲井佳人意若何轆轤渾似挽天河我來濯足分餘滴不

及新豐酒較多

此地慳水故也

莫道槍竿危復危，有人家住白雲西。
兒童采棘顛崖去，杜宇傷春盡日嘍。

李老谷前山石癭，何年此上遂名居。
老龍若作三更雨，頃刻茅簷數尺餘。

馬上重看尖帽山，山頭無數白雲閒。
漢家天子真龍種，塚

土長陵爲設關。

迺葬后妃之所設衛卒焉。

北去雲州去路賒，馬駝殘夢憶京華。
寒風浙澀山無數，樹影參差月未斜。

萬古龍門鎮兩京，懸崖飛瀑一般清。
天連翠壁千尋險，路繞寒流百折橫。

塞北凝陰無子規，曉看山色不勝奇。
堅冰怪石澗邊路，殘

月疎星馬上詩

東京亭下水漾漾
敕賜遊船兩兩紅
回紇舞時杯在手
玉奴歸去馬嘶風

南國鄉音漸漸稀
朔風吹雪上征衣
邊鴻飛過桓川去
更向窮陰何處歸

高名檐子果何如
野草黃雲入畫圖
弧矢縱懸仍覓侶
塞前番語笑人迂

驅車偏嶺客南還
始見胡姬笑整鬟
誰信片雲三十里
寒暄只隔此重山

過人到偏頭之北面不可洗頭不可梳冷極故也過此始有暖意素非高嶺寒氣止隔了此良可怪也歎

李陵臺畔野雲低
月白風清狼夜嘯
健卒五千歸未得
至

今芳草綠萋萋

此地去上京百里許

鴛鴦坡上是行宮又喜臨岐象馭通芳草撩人香撲而白

翎隨馬叫晴空

由黑關至此始合轍焉卽察罕腦兒白翎草地所產

夜宿瓊房月滿衣晨餐乳粥椀生肥憑君莫羨穹廬矮男

是公侯女是妃

歡喜坡邊望禁城鸞翔鳳翥卿雲清舉杯一吸灤陽酒消

盡南來百感情

此以下敘灤京之景及聖駕往還典故之大略

鐵番竿下草如茵澹澹東風六月春高柳豈堪供過客好

花畱待蹋青人

卽幹耳翠蹋青人指宮人也

先帝妃嬪火失房前期承旨達灤陽車如流水毛牛捷踏

縷黃金白馬良

毛牛其毛垂地火失謂房乃累朝后妃之宮車也

聖祖初臨建國城風飛雷動蟄龍驚月生滄海千山白日

出扶桑萬國明

上京大山舊傳有龍居之奉白宥通

北闕東風昨夜回今朝瑞氣集蓬萊日光未透香煙起御

道聲聲駝鼓來

謂駝駝鼓也

撒道黃塵輦輅過香焚萬室格天赫兩行排列金錢豹欽

察將軍上馬駝

又是宮車入御天麗姝歌舞太平年侍臣稱賀天顏喜壽

酒諸王次第傳

千官至御天門俱下馬徒行獨至尊騎馬直入前有教坊舞女引導且歌且舞舞出

天下太平字樣至玉階乃止內門曰御天之門

九奏鈞天樂漸收五雲樓閣翠如流宮中又放灤河走相

國家奴第一籌

灤河至上京二百里走者名貴亦黎明放自灤河至御前已初中刻者上賞

江西詩徵

卷三十七

元十三

四

得寵親王馬上回朱門繡闥一時開淋漓未了金釵宴中
使傳宣御酒來

大安閣下晚風收海月團團照上頭誰道人間三伏節水

晶宮裏十分秋

大安閣上京大內也別有水晶殿

四傑君前拜不名輪番內直淡長更蓬萊山上羣仙集得

似王孫世祿榮

四傑卽四佞薛也或稱也可佞薛者卽大佞薛之稱是之謂不名當三問凡所以淡

辰一更者也

北極修門不暫開兩行宮柳護蒼苔有時金鎖因何掣聖

駕棕毛殿裏回

棕毛殿在大幹耳朵

晴色蒼茫閭闔開相君有奏入蓬萊須臾雲擁千官出又

帶天邊好雨來

結綵爲樓不用扇角聲扶上日初明龍駒河北王來觀直
入金門下馬行

相國門前柳未花不多嫩綠便藏鴉東風吹得濃陰合散
入都城百萬家

十官萬騎到山椒箇箇金鞍雉尾高下馬一齊催入宴玉

闌干外換宮袍

每年六月三日詐馬筵席所以喻其盛事也千官以雉尾飾馬入宴

錦衣行處狡狴習詐馬筵前虎豹良特敕雲和罷絃管君

王有意聽堯綱

詐馬筵開盛陳奇獸宴享既具必一二大有節矣雲和署隸儀

鳳司樂掌天下樂工

儀鳳伶官樂旣成仙風吹送下蓬瀛花冠簇簇停歌舞獨

喜簫韶奏太平

儀鳳司天下樂工隸馬每宴教坊美女必花冠錦繡以備供奉

麗日初明瑞氣開
千官錫宴集蓬萊
黃門控馬天街立
丞
相簪花御苑回

聿來新貢又殊方
重譯寧誇自越裳
駟象明珠龜九尾
皇

王不寶壽無疆

萬歲山有九尾龜

嘉魚貢自黑龍江
西域蒲萄酒更良
南土至奇誇鳳髓
北

陲異品是黃羊

黑龍江卽哈入都魚也鳳髓茶名黃羊北方所產御膳用

太平天子重文曹
閣建奎章選俊毫
一自六龍天上去
至

今黃帕御牀高

昔文宗建奎章閣于大丙年漢灑掃賄御榻之端然感而賦此

內人調膳侍君王
玉仗平明出建章
宰輔乍臨閣閣表
小

臣傳旨賜湯羊

御前廚常膳有曰小廚房大廚房小廚房則內人入珍之奉是也大廚房則宣徽所

一膳具數十六餐餘必賜左右大臣以爲常予常職賜故

悉其
詳

曲曲闌干兔鹿馴
兩肥綠草度青春
主來不避韓盧獵
慣識金衣內貴人

銀驪天馬衣氍毹
肉食尋常斗酒俱
可惜東遊巡海者
不教騎看試何如

仙娥隱約上簾鈞
笑倚闌干出殿頭
鸚鵡臨階呼萬歲
白翎深院度清秋

宮人兩兩倚闌干
又喜新除內監寬
金線蹙花鞞樣小
兔教羅韞步輕寒

澹墨輕黃淺畫眉
小絨縵子翠羅衣
君王又幸西宮去
齊向花陰鬪草歸

香車七寶固姑袍旋摘修翎付女曹別院笙歌承宴早御

園花簇小金桃

比車中戴固姑其上羽毛又尺許按付女侍手持對坐車中雖后妃駝象亦然

窈窕仙姝出禁闈小西門外綠楊隄五陵公子多豪縱緩
勒驕聽不敢嘶

鳳樓春暖翠重重內禁門開曉日紅寶馬香車金錯節太

平公主幸離宮

侯王甲第五雲堆秦虢夫人夜宴開馬上琵琶仍按拍真
珠皮帽女郎回

湯羊內膳日差排紅帖呼名到玉階底事金吾呵不住腰
間懸得象牙脾

東城無樹起西風百折河流遶塞通河上驅車應昌府月

明偏照魯王宮

官妓平明直禁闈瑤階上馬月明歸宮花飛落春衫袖辛
苦桑麻入夢稀

內宴重開馬湏澆嚴程有旨出丹霄羽林衛士桓桓集太

僕龍車款款調

馬種馬好子也每年八月開馬好子宴始奏起程太僕寺掌馬者

鸞輿八月政高翔玉勒雕鞍萬騎忙天上龍歸纔帶雨城

頭夜午又經霜

每年駕起其夕卽霜異哉

南坡暖翠接南屏雲散風輕美午晴寄與行人停去馬六

龍飛上計歸程

南坡乃納寶地也故遊人罕至焉

月出王孫獵兔忙玉驄拾矢戲沙場皮囊乳酒鑼鍋肉奴

視山陰對角羊

良馬驟馳拾墮箭橋緣羊或四角六角者謂之迭角羊迭義未詳以其角之相對故

日對角毛角雖奇香味稍別故不升之
鼎俎予以見天朝之玉食有等差也

雍容環珮肅千官空設番僧止雨壇自是半晴天氣好螺

聲吹起宿雲寒

西番種類不一每卽殊禮燕享大會則設止雨壇於殿隔時因所見以發一嘔

正元紫禁肅朝儀御榻中間寶帕提王母壽詞歌未徹雪

花片片彩雲低

此以下多敘一年之景并雜咏之物

元夕華燈帶雪看佳人翠袖自禁寒平生不作蠶桑計只

解青驄繡繡鞍

試數窗間九九圖餘寒消盡煖回初梅花點遍無餘白看

到今朝是杏株

冬至後點梅花一枝於窗間作人曉妝口以鴈脂日圓一圈入十一圈既足變作杏

花卽暖回矣

脫紈紡窈窕意如何羅綺香風漾綠波信是唐宮行樂處水

邊三月麗人多

上巳日豫京士女競作綉團
臨水窠之卽修禊之義也

葡萄萬斛壓香醪華屋神仙意氣豪
酬節涼糕猶末品內

家先散小絨絳

重午節也

百戲遊城又及時西方佛子閱宏規
綵雲隱隱旌旗過翠

閣深深玉笛吹

每年六月望日帝師以百戲入內從西
華入然後登城設宴謂之遊皇城是也

紫菊花開香滿衣地椒生處乳羊肥
羶房納石茶添火有

女褰裳拾糞歸

紫菊花惟灤京有之名公多見題品地
椒草牛羊食之其肉香肥納石韃韃茶

爲愛琵琶調有情月高未放酒杯停
新腔翻得涼州曲彈

出天鵝避海青

海青挈天鵝新聲也

海紅不似花紅好杏子何如巴欖良
更說高麗生菜美總

輸山後蓼菰香

海紅花紅巴欖仁皆果名高麗人
以生菜裹飯食之尖山產蓼菰

四月東風漸漸和流波細細出官河詩人策馬紅橋過御柳今朝絲較多

偶因試馬小盤桓明德門前御道寬樓下綠楊樓上酒年

年萬國會衣冠

明德門午門也

怪得家僮笑語回門前驚見事奇哉老翁攜鼠街頭賣碧

眼黃犇騎象來

黃鼠獺京奇品

一曲琵琶可奈何昭君青塚恨消磨可憐西地黃雲起不

似連天芳草多

翠樓紫閣盡崔巍花落花開不用催最是多情天上月照人西去又東來

承恩留守是何王錦帳成圍促宴正却怪西風渾不顧一

般吹送滿頭霜

不須白粲備晨炊乳酪羊酥塞北可泥土炕牀銀甕酒佳人
椎髻語侏離

東風亦肯到天涯燕子飛來相國家若較內園紅芍藥洛

陽輸却牡丹花

內園芍藥望亭亭直上數尺許花大如斗揚州芍藥稱第一終不及上京也

賣酒人家隔巷淡紅橋正在綠楊陰佳人停繡凭闌立公

子簪花倚馬吟

白白瓊房撒萬星名王酣宴惜娉婷李陵臺北連天草直
到開平縣裏青

東風吹暖柳如煙寄語行人緩著鞭燕舞巧防鴉鵲落馬
嘶驚起駱駝眠

時雨初肥芍藥苗，脆甘味壓酒腸消。揚州簾卷東風裏，曾

惜名花第一嬌。

草地芍藥初生軟美，居人多采食之。

霜寒塞月青山瘦，草實平坡黃鼠肥。欲問前朝開宴處，白

頭宮使往還稀。

文宗曾開宴於南坡，故云。

雖然玉宇桂無花，秋比江南分外佳。絃管畫樓人散去，舍

郎攜妓勸嘗瓜。

俗以月下送瓜果，生還上京不產桂花。

御饌官廚不較餘，金門掌膳意勤加。更分光祿餅中酒，爛

醉歸時月上初。

凡御膳及民間者謂之貢餘，光祿寺掌御酒。

別却郎君可奈何，教坊有令趣興和。當時不信郵亭怨，始

覺郵亭怨轉多。

興和署，迺教坊司屬，掌天下優人。

窈窕誰家女，未笄日高停繡出。簾帷背人笑，指青霄上認

得高庭白鶴飛

灤寧九月雪花飛香歷萸囊與夢違
雁字不來家萬里狐裘旋買換征衣

雪深連月與簷齊誰把新吟向客題
一字成時筆如鐵不如載酒畫樓西

出塞書生瘦馬騎野雲片片故相隨
凍生耳鼻雪堪理冷

入肝腸酒強支

凡凍耳鼻卽以雪揉之方同近火則脫

宮監何年百念消冠簪驚見髻蕭蕭
挑燈細說前朝事客子朱顏一夕彫

買得香梨鐵不如玻璃碗裏凍潛蒸
書生半醉思南土一

曲燈前唱鷓鴣

梨子受凍其堅如鐵以井水浸之則味同可食

江表詩集卷三十一
強欲驅愁酒一卮解鞍閒看古祠碑居庸千載興亡事惟
有天中月色知

塞邊羝牧長兒孫水草全枯乳酪存不識江南有阡陌一
犁燁雨自黃昏

試將往事記從頭老鬢征衫總是愁天上人間今又昔灤
河珍重水長流

萬白

白字孟素豫章人與劉子高善元末官建寧左衛

鎮撫

秋興

北郭垂楊日夜凋清秋登望旅鴻消平生江海同浮梗何

處林泉可棄瓢奔走風塵雙鬢改羈栖戎馬一身遙數奇
李廣蕭條久短服轅門獨射鵰

鏞廉

廉字用正臨川人

哀完者公

汝上孤城破將軍百戰餘敵勅非劇孟請援失包胥鼓竭
悲風勁弓摧落月虛水盤加劔處微纜重欲歔

送高伯昌之京

西周承學尊東魯南土頻年望北庭書劔一身踰嶺嶠帆
檣萬里渺滄溟寒消玉宇燕山碧春動銀河御柳青明日
黃金臺上客詞華早爲播芳馨

歌風臺

擊筑酣歌倚大風高臺良宴故人同江東兵甲銷沉後天
下河山指顧中萬乘襟期開宇宙千年形勝傲英雄寬旌
立斷蒼煙上還有神靈托沛豐

劉伯俊

伯俊安福人

挽姚正叔

正叔安福人壬辰兵變仗義守城凡四年
乙未夏紅巾寇至正叔父子及孫皆為寇

書所

安城義士有姚公白髮蒼顏百戰雄四載幾回摧賊陣一
門三世死兵鋒堂堂義骨埋黃壤耿耿精忠貫碧空寇馬
長驅橫萬里傷心誰復立奇功

陳安

安字克監金谿人

高大使吳淞歸興圖

楓葉吳江白雁飛天涯游子正思歸香銷夜月青綾被涼
入秋風白紵衣江浦蒹葭含宿雨驛亭楊柳帶斜暉分明
記得西湖上載酒蘭舟近翠微

中秋有感

畫省曾陪冠蓋游華筵詩酒宴中秋星河不動天如水風
露無聲月滿樓皓齒清歌催象板珠簾涼影上銀鈎于今
寂寞江城暮烏帽西風歎白頭

題高理瞻所藏小景圖

昔年爲客楚江邊
雨霽江南二月天
楊柳畫橋深淺水
桃花春岸往來船
新筍白酒浮杯斝
旋買青魚出網鮮
因見畫圖驚舊夢
東風吹面鬢蕭然

送施景舟還宣城

清朝取士得才難
未許將軍晚歲閒
故遣老臣辭上國
欲將文化定南蠻
九天雨露羣生遂
萬里風霜匹馬還
今日故園歸興好
長吟飽看敬亭山

效唐人送宮人入道

長門一別赴琳宮
寧復中官促繡工
紅葉人間無舊夢
碧桃天上自春風
步虛尙覺宸光近
歸院還疑磬路通
應有內家簫管在
夜深吹向月明中

題美人春睡圖

深宮紅日上窗紗
枕印微痕暈曉霞
鶯燕不鳴簾幕靜
綵雲低護海棠花

題雲山春樹圖

青山綠樹靄春雲
野水拖藍草色新
溪上數椽茆屋小
畫長應有讀書人

題畫

春萱翠石倚琅玕
睡足東風錦翼寒
却憶江南舊庭院
晚晴池上倚闌看

廖敬先

敬先廬陵人

水德婦李氏節行詩

寒水無波不離井古甌作鏡何人信崑山節婦水德妻持
鏡照心不照影卷下鴛鴦衾擲却鴛鴦枕嗟嗟未亾人所
天身已殞碧梧老去鳳單棲半點殘燈照孤寢

呂不用

不用字則耕新昌人洪武初舉本學教諭以藁辭
有得月橐

題顧雲屋雲山圖

我識東吳顧文學早歲丹青動黃閣揮毫得意傲王侯霜
刮虬髯面如削一自塗窮悲濩落旅食南州夢非昨蛟龍
為魚氣鬱勃散作春雲滿邱壑乾坤無地著茅茨寫向雲

根亦竒作荒林日色曉蒼涼古木風聲晚蕭索首陽蕨根
秋土深商嶺芝苗今寂寞看圖爲問人何在晚交駐意歸
猿鶴

東山寺題樓壁

白雲幾曾散却作一樓貯明月夜夜來無人敢攜去

贈送別圖

何處瞻衡宇西江煙水村彭郎磯上月送汝到柴門

張適

適初名本字可立餘干人至正末參政韓埔刺饒
雨中堂試洪武初屢徵以目疾不赴有灌園集

望雲亭

孤雲飛繞處，怛焉懷二親。簡書有程度，歸期尙因循。

謝徐伯麟見過

賣賦愧相如，南山守敝廬。家貧兒起早，地僻客來疎。椒實先秋摘，蔬畦觸熟鋤。祇憐徐貢士，相過每躊躇。

越溪曲

柳條青青蘆葉短，白鷺飛來溪水滿。誰家女伴采桑歸，渡口無船欲腸斷。

魯修

修字志敏，樂平人。少豪宕，有經世志。以武侯自期。元末，辟慈湖山，長不就。與諸名流爲楚東詩會。名震一時。刻所作於埏埴瘞之石門山下。明太祖具

名致書幣聘之不出

鉛山女

淮兵過江左種惡易作羣近傳鉛山破守卒先逃奔州尹
既陷難骨肉中道分阿女二八餘婉婉顏色溫渠首卽不
殺喻以從己婚前示刀劒威後擁珠翠繁左右相睥睨一
一伺女言父母不見我我生適誰門寧與刀劒俱豈爲珠
翠存展轉女自刎萬口驚且喧嗚呼天下事顛倒難具論
貌貅失銳氣大義關中敦自古奉天討維當念元元回首
望北闕道遠河漢昏林下有深憤語直無復吞不爲死者
哀但與生者聞

鄱湖

湖
水
霜
前
落
漁
人
動
作
羣
洲
平
沙
草
在
山
亂
夕
陽
分
剝
落
番
君
廟
荒
涼
陶
母
墳
行
舟
與
過
雁
萬
古
自
紛
紛

甘惟寅

惟寅字孔肅自號安所止豐城人至正間從陳植講學于龍光書院洪武初累薦不起有楞櫟集

題龍光書院

茫茫岐路塵蹤苦忽忽無情白髮催昨夜東風吹夢破分明人在舞雩回

朱羽庭

羽庭安福人明初屢徵弗就與笋峰文魯麟龍門王成吾偕和有樂府補

陳山

巖峰望不見古木參霄迴環繞林壑步步如天高數里
絕日影懸崖走寒猿飛泉灑藤葛落澗聲嘈嘈小橋架危
石茅屋依山椒回頭日將暮刮面風如刀平生慣行役自
覺罕所遭靜思採薇者安得同遊遨

符尚仁

尚仁新建人明初徵辟不就

按新建志列明末茲從翠巖志收入元

羅漢嶺辟兵

塵世那堪久亂離攜家春暮陟崔嵬雲連海岱千山雨風
撼雲松萬壑雷布穀鳴時農事緩杜鵑啼處客心催干戈
滿地蒼生苦誰是當年衛霍才

西山雙嶺崇勝院

欲問前朝寺茫然遍野棠鼓鐘聲寂寂松柏影蒼蒼山暝
寒煙外碑眠古道旁徘徊一瞻眺塵世轉堪傷

邵光祖

光祖字宏道鄱陽人父宦遊吳中因家焉通經學
尤精六書時以康節子孫薦於朝不報張士誠授
湖州學正亦不赴以布衣終

宿良夫契友山齋

晏坐南窗下愛此池水平餘霞斂夕景百喙鳴秋清衆星
疎以淡缺月倚空明塵襟豁蕭爽愈覺身世輕蓬瀛亦伊
邈遐念殊凡情視彼區中聚聳睡何由醒

季春四日文會于耕漁軒行觴賦詩遂適野興各感
一章以紀良集云

暮春風日好游此震澤瀕杏梅芳未歇桃李華相因佳山
列圖障草木發精神愛茲隱者居插架多典墳虛懷延嘉
客道合思彌敦嫺旅感令訓善習俱烝烝王鄭舊邑佐村
巷連朱陳蹇余罹惛獨隻影嗟不辰董生內充美仲舒今
若人勗哉南州士進德日以新西子渥洼種高鼻非凡羣
譚諧忘日昃觴詠怡情親主賓尚德義悠悠樂天真

題徐良夫耕漁軒

賤事寧吾志其如時命何非耽田野樂爲養性情和把釣
遂安適躬耕且詠歌嘉苗無助長止水詎容波晚飯炊菰

米煙裝挂薜蘿此中有真理不獨首陽阿

秋興

牢落江湖不計年擬尋歸計向林泉山閒買地多栽橘谷
口誅茹學種田晚節許同樵牧老遺書更得子孫傳秋來
喚取陶彭澤紅葉黃花酒似川

陳汝秩

汝秩字惟寅南康人徵子遷吳事後母以孝聞弟
汝言爲張士誠用事惟寅一身蕭然從倪元鎮遊
明初徵至京以母老辭歸卒于家

次徐良夫謝雲林倪處士耕雲王照磨韻

清游太湖上木落洞庭秋聞世了如夢飄然乘釣舟青巒

映西照白鳥隨東流投竿不在得意倦且復休遂造高人
宅芙蓉滿汀洲坐我南窗下羣書堆案頭秉燭讀其辭嘉
言慕纂修共飯尊鱸美既飽有何求已絕城府念將從麋
鹿遊子詩軼齊梁熟精漢魏優依依敦友義合榻更相留
酌我盈觴酒可以慰綢繆明當理歸權愛茲林壑幽卜憐
期有日乞借一間樓

虞相古劍歌 并序

吾友虞勝伯隱居南山讀書耕釣不求人識所與
游者皆巖穴之士也其先丞相雍國公忠義立朝
具在史冊所佩古劍以貽子孫代不乏賢而餘風
遺烈猶未泯也至正乙巳歲勝伯自山中來命余

賦此劍爲虞相古劍歌與勝伯以發其所蘊云

虞山人何入城訪我衡門下要作古劍行云是雍公所遺
之古劍采石江頭大破完顏兵匣藏累世不敢動忽然光
怪夜夜蛟龍鳴憑軒拔鞘自起舞皎如月下秋霜明橫磨
泰山石直斬東海鯨何不獻書見天子快意一掃風塵清
吁嗟此劍亦神物又於堪也同垂萬古名

題土叔明溪山圖

前身定是王摩詰黃鶴溪山似輞川葳蕩十尋懸綠樹芙
蓉千仞倚青天長歌不用來招隱閉戶惟應疏草元怪底
西風波浪惡披圖莫上五湖船

訪耕漁隱君

鳴鳳岡頭訪隱君，呦呦麋鹿自成羣。
當門柳葉青如帶，繞路梨花白似雲。
坐飲漫傾殘臘酒，行厨先食早春芹。
卜鄰舊約應無負，乞我煙霞一半分。

劉永之

永之字仲脩，清江人。以文詞名。至正間，明初徵至金陵，以重聽辭歸。自號山陰道士。有《山陰集》。

門有車馬客

門有車馬客，駕言發西京。
備諳興廢事，具識治亂情。
天子旣神武，儲君復神明。
鐘鳴啟雙闕，王侯方雁行。
要途無貴戚，密地有寒英。
懷柔建六典，戡強用五兵。
西伐踰蔥嶺，東征際滄溟。
北盼躡沙漠，南顧定儋瓊。
金圖啟天秘，銀甕發

地靈八表旣蕩一九有悉來庭鄙人值陽九嗟與厄運并
慷慨攜客歎矯首瞻太平

題匡山石室

羣山爭盤紆衆壑盡奔放中峰最奇絕直立數千丈危構
倚石壁面勢極宏敞心神坐超忽雲雨接恂恍山色晚
佳泉聲靜逾響猶言最絕頂臨眺極所往欲窮千里目
試九節杖

田園幽隱圖

我家清江縣城北竹梁花埭環深宅鄰屋分燈夜讀書偃
山借鹿春耕石蹤跡年來逐轉蓬萬事驚心舊業空無錢
買山惟愛畫坐對新圖如夢中柴門茂樹雅相向野水山

橋接空曠雨足沙園野嶺閒風回茅屋荒雞唱隔林炊黍
起新煙接竹穿籬引澗泉傍堤楊柳皆新種近舍松枝不
記年

題傅商翁觀松瀑圖

山風蕭蕭晝寂歷長松落落倚絕壁紫煙乍留青蓋中瀑
布迸落蒼厓石山中之人形骨清幅巾藜杖時獨行溪廻
陡絕去無路坐撫瑤琴摹澗聲我亦平生慕真賞十年誤
落江湖上故山蕭條久不歸夜雨秋衾夢長往人生適意
無是非雲林久與幽人期九節預裁青竹杖明朝試拂薜
蘿衣

贈傅元賓兼謝梁徵士

百里訪柴荆，秋原獨自行。
屐沾山雨滑，衣染澗雲輕。
賣卜應潛姓，工詩不趁名。
故人在書札，煩爲謝高情。

題方方壺畫仁智圖爲道士王默函賦

玉簡神仙記瓊臺，羽士家軒窻。
明日月冠佩，剪雲霞白鶴。
窺殘奕，青童掃落花。
憶曾訪丹術，楓逕駐輕車。

淵明入社圖

空山樓觀遠蒼蒼，路出深溪石磴長。
近濕飛雲經樹濕，穿花流水過橋香。
高僧喜識桄榔杖，稚子歡迎薜荔裳。
入社幾時還，出社松陰十里到柴桑。

舟行膠淺晚泊小橋，期至豫章而別，則咫尺矣。卽事書懷簡何平子。

偶遇乘槎侶因辭下澤車客程兼日暮川路滯風沙石碎
愁鷺子汀長怯犬牙急湍騰雪馬淺溜蹙霜花聚舫時連
鷁攢篙若鬪蛇去留因地利漂泊任天涯洲指黃牛近山
瞻白鶴遐潭煙迷浦激岸火識人家繫纜安春杙偃蓬宿
葦葭中宵漁響歇向曉雁聲譁忽憶別期促還憐光景賒
劍愁分紫氣酒喜酌彤霞坎壈身如寄蹉跎鬢欲華相期
何處好勾漏問丹砂

海屋爲蕭君賦

結屋青海上弄影滄江涯手持翡翠竿誤拂珊瑚枝龍噓
春霧合鶴度曉雲垂弱流幾清淺爲書報安期

野老看雲圖

文漪激幽澗白雲流遠山偃仰長松下延眺一怡顏清風
拂素服瑤花落樹間拾薪青煙際煮茶供晚餐耽此邱中
賞竟日未言還

登煙雲臺同西峰諸友分韻得跨字

振策履崔嵬飛步凌雲樹俯觀飛鳥翔遠見平江瀉彈棊
古桂陰酌酒長松下谷響嘯哀猿林香過山麝祈靈醉巫
覓尋真望仙駕翠蚪金節導青鸞羽衣跨逸興殊淹留吹
簫待清夜

過安慶懷余青陽先生

淮端古重鎮龍舒寔雄冠顯顯青陽公銜命茲屏翰文能
宣皇風武能折兇悍仁能撫士卒知能幟流散孤城抗干

里一身當敵萬運否拙壯圖時屯負英算城亡遂捐軀仗
節死國難忠義凜霜日聲名炳星漢我來當夏杪延覽遂
興歎俯仰成古今興亡猶在眼疲人稍歸郭買舍臨江岸
午風舟舫集夜霽燈火亂精靈或來往廟食儼容觀生爲
烈士尊死爲奸臣憚啞啞吟詩臺千載污青簡

新歲有感寄簡席煥章胡居敬

積雪蒼茫裏寒山慘澹中艱難經日別漂泊此時同筋力
年非壯詩書道未通狼煙春戍火禽語夜溪風心似西橋
水滔滔日夕東

酬寄伍朝賓

才子多文藻京華富友朋價同千里駿情似九霄鷹學省

然宮燭倡樓對市燈醉傾光祿酒渴飲凌人冰馬惜障泥
錦人輕半臂綾御溝縈似帶馳道直如繩青瑣彈冠入朱
門躡履登時清周道秦運否楚氛騰六郡良家選千金國
士徵星驅千載烏露宿騎縣棚荏苒山河隔蹉跎歲月增
鯨鯢依巨浪虎豹嘯高陵野燒兼風起邊烽共月升候雞
晨嗷嗷警鼓夜警警水市船通賈山邨屋近僧陶尊深泛
蟻竹筒細書蠅交愛虞生好詩憐辛子能遠書同客寄遺
棄借人瞻古道時因棄孤忠世共憎相思愁極目惜別淚
霑膺日晚凋琪樹天寒落翠藤願堅松柏操海宇遲中興

畦樂園

郭南抱甕者久與世情疎砌長龍須草林間燕尾渠轆轤

花下轉萋萋雨中鉏蔗熟能相寄酬君齏菜書

和楊伯謙韻

酌酒長松下垂蘿拂酒杯
異禽窺藥鼎乳鹿卧書臺
澗水穿林去山雲帶雨回
相期同結屋不厭野人來

玉峽潭陂山莊

歲杪涉風煙連邨熟芋田
路危楓葉斷石險桂根縣
鹿柵成山壘漁梁阻澗泉
爭心逐時化耕鑿喜安然

題墨竹

新雨收金玦輕風轉玉環
截筒爲九寸吹向武夷山

秋日同友人泛舟

來把青竹竿學釣水中魚
經年消息斷疑有故人書

爲潘仲翠題定使君所贈馬郎中畫鶴

郎中畫鶴稱第一江海十年多見之
蘭皋明月照獨舞雪影參差風倒吹
滄江縣圃三山上琪樹金芝日應長
萬里懷歸惜羽毛中宵怨別流孤響
通泉素壁久漂零忽見新圖百感并
華亭舊歎傷心切赤壁扁舟入夢驚
綠錦池邊飼秋雨驃騎多情每同賦
相思欲報故人知爲傳一札東飛去

劉宗海爲余作清江春雨碧嶂秋嵐二圖賦此贈之
劉君早年善山水得意往往圖樵漁西昌城西一相見忽
然贈我雙畫圖圖中似是清江曲春雨蒼茫汀樹綠煙中
鬢髯辨飛帆水際依稀見茅屋漁郎繫船江石上一夜儼

頭水新長孤邨日暮煙火微渡口歸人曠猶往碧嶂層巒
翠轉奇嵐光秀色含朝暉風林落葉灑青壁雲壑流泉生
翠微我昔結廬此山裏每愛秋嵐淨如洗經年奔走厭風
塵偶看新圖心獨喜憑君添我小綸巾明當歸壻山中雲
他日君來一相訪松根爲子開柴門

題古木幽篁圖

近者天下爲竹枝息齋子昂最奇絕金釵折股錐畫沙直
以高情寄豪墨後來小李用家法更覺縱橫脫羈勒御榻
屏風或詔寫流落人間豈多得我家真蹟兼數公錦囊玉
軸復壁中舊宅荒涼經戰伐故物多隨煙燼空此圖尋丈
小李作位置頗殊標格同半身古樹色蒼潤篔簹因依相

澹濃長林無人秋氣入
蜿蜿蛇蛟起幽蟄蠓蚋垂絲畫陰
靜老鶴刷翎昏雨集黃陵廟前
湘水深捐玳江皋思俯拾
浮槎尋源遡空闊折旌低渡元
雲溼何郎兄弟最好竒愛
此不減珊瑚枝幽居正在蘭峰下
亦有喬木當窗扉共展
長圖幽興發六月涼颺生葛衣
還君珍襲增歎息他日重
看覩舊題

送羅與敬歸西昌

石龍磯畔多芳草游子憶家春
已老水北楊花撲地飛
旁人謾道飛花好愛子不忍別
送子到水濱青天孤影飛黃
鶴落日長風吹斷雲朝發銅塘
津莫宿青泥渡帆過孝通
祠漸是西昌路金魚洲遠樹
青青三顧浮煙生杳冥石扶

壞道通高閣水聲絕見古城君家正在何方住獨有園廬俯江渚昨夜深閨夢遠人相思定倚櫻桃樹

猛虎行

山居近多虎害食民耕牛畜豕民甚苦之古人有以文感異類者此非涼德所及聊爲歌詩以訟之
猛虎何咆哮的顙黑文章兩目夾明鏡牙齒若秋霜朝噉一青兕莫餐雙豕狼飢舌礮哺如血鮮領子時蹲古冢顛樵采不敢過草木上參天夜深月黑風號谷還向近邨噬黃犢十室九室牛圉空野翁瞿瞿老婦哭田荒無牛不得耕官中增賦有嚴刑鞭箠恣狼藉羸老豈足勝去年甲士頗經過白晝劫人家復破軍中賀牛動千頭貧家無錢那

可求里胥曠至門怒目氣如山園中一豕大如犬明朝賢
米去輸官未足了官數少寬里胥怒猛虎夜復來銜之上
山去猛虎兮爾何愚天遣烏兔肥爾軀今胡使人飢不得
食寒不得衣顛顛如枯株騶虞有足不踐萌芽解豸有角
唯觸奸邪爾獨恃力不恃德使我爲爾長咨嗟人爲萬物
靈力莫爾敵心懷忿憾不能平思翦爾類緩我生黃間毒
矢係長絲草中潛張當路蹊爾行不虞絳其機爪牙雖利
將安施食爾之肉寢爾皮

爲高安何思恭題方壺所畫山水

古象山中白晝閒紫煙樓觀鳳笙寒試分玉井三秋露戲
寫方壺九疊巒老樹模糊常帶雨茅茨瀟灑鎮臨漪知君

隱處渾如此持向荷峰錦水看

題巴邱龍母廟

天開玉峽兩崖丹隔岸諸峯似翠鬟神女不歸龍已化仙
翁飛去鶴空還碧壇芳草經年合古殿蒼松落日閒萬里
長風起天末如聞環佩白雲間

寄淦川友人

廢郭浮煙合綠蕪茅茨星散縣樓孤江連戈舫鳴春鶴樹
對寒燈起夜烏古研白磨銅雀瓦坐瓊還疊扇賓隄市南
美酒梨花白最憶青絲繫玉壺

讀黃危二閣老送何彥正歸省詩序追賦一首

水滿金溝柳著霜行人驅馬上河梁公車未奏三京賦祖

道爭持五色裳班固文章傳太史鍾繇書法繼中郎澗河
夜雨燒銀燭坐聽疎鐘憶建章

題鄒惟中西樓

西樓遠對鼎山斜野客來尋駕鹿車竹嶼暝煙浮翠黛石
田秋雨潤銀沙清尊未酌心先醉往事重論鬢欲華句借
溪南三畝宅從君學種邵平瓜

用韻送梁徵君孟敬還石門

淪曲經年不見君偶同江郭看飛雲蚌還乍喜雙珠合龍
躍終愁兩劍分蹤迹每同樵客隱姓名已被世人聞暫隨
郡邑還歸去應念山中白鹿羣

飛仙圖

綠牋么鳳裁
瓊簫霧鬢煙鬟向月飄
閨苑獨歸仙路遠
九天風露溼紅綃

北澗夏日

酒傾蘭勺石泉香水翦荷盤
露氣涼誰料十年江海興
閉門疎雨對橫塘

夜宴定侯宅醉中口號

刻羽堂中畫燭明
將軍夜醉水西營
青樓小婦新承寵
彈得涼州第一聲

秋懷

涼飈振庭樹浮雲結重陰
中情忽不樂拂几彈鳴琴
泠泠多苦調零淚霑衣衿
遠懷東都士登彼北邙岑
悵然望京

洛五噫發哀吟悠悠千載下誰識古人心

同傅商翁何彥正舟中有懷幸好禮韻

沙際水痕交細草蒙茸長春江下連鴈夜雨同孤舫佳期
違宿諾歡笑懷前賞餘燼落寒燈臥聞漁板響

題金華余仲揚山水

人言吳中山水好坐思絕境那能到金華山人懷故山時
拂冰執寫幽鳥贈君此圖更絕奇妙墨精思奪天造陂陀
直草隱喬木掩抑遙汀帶文藻石橋雲生暮色微海門潮
落秋風早賀監居臨鑑湖曲子猷宅近山陰道江清落日
虛船回照水新袍影顛倒高情千古慕前哲世俗紛華豈
堪保經年烽火過江南萬壑千峰迹如埽崎人奔走厭塵

湖試觀圖畫開懷抱思傍幽林結茅屋柴門低映寒藤老
放鶴前山載笠歸獨抱長鏡拾瑤草

送吳德基赴興化令

春江望不極芳草綠江濶千里長沙道孤帆去客心縣城
依水國吏語帶蠻音到日應無事華亭自鼓琴

經湖口縣

古縣開湖口高檣集岸隈山從廬阜起江向武昌來近水
皆楊柳荒城半草萊客心元自速更遣曉風催

題畫鷹

猶記鳴鞘出霸陵新豐市北醉呼鷹於今豪氣都消盡閒
看新圖別鴈燈

題扇

烏絲細寫鬚頭篆
白紵新裁燕尾衫
雨過西軒苔色淨
淵中雲影似江帆

題竹

洞裏仙人白兔公
手持玉笛向秋風
彩雲低度天如水
吹作龍吟三月中

題扇

金鳳洲頭倒玉壺
銅塘浦口送飛鱸
他時若記分攜處
花滿春城聞鷓鴣

爲彭子宏題漁釣圖

彭郎磯畔小茅堂
露滿秋林木葉黃
石渚水生魚欲上一

江風雨夜鳴榔

陳謨

謨字一德號心吾泰和人事親至孝自幼能詩文
淹貫經籍虞伯生尤推重之元季教授鄉郡洪武
初徵至京欲官之遂引疾歸學者稱海桑先生年
九十六卒有海桑集

貞婦

時運忽復乖兵塵昏白日風花信所飄安得念茵席所悲
命如葉自誓心匪石出卽依旁舍歸斯匿深壁兇徒肆披
猶鷄犬俱碎易罔俾荃爲茅寧甘血成碧哀哀八歲兒抱
母同毀壁

江西詩徵

卷三十七 元十三

完

西湖行樂圖

生納動湖光長夏宜清暑芙蓉散風漪勁栢留晴霧行無
羽扇塵樂有瑤琴趣令德將遐齡魯侯深燕譽

題青山白雲圖

劉生用墨如用兵墨如雨點鴉亂行須臾生紙氣飛動浮
雲白白山青青秦皇昔向湘江下怒伐湘山山盡赭此樹
能逃烈燄中至今瑤翠森如畫窈窕復疑盤谷中書癡癡
欲挂高松饑煮肉芝分白雪寒披栗葉嘯天風

落星石

星宮墮江化爲石作鎮鯨波與蛟室東西日月異崑崙金
碧樓臺白兕牽海枯塵起劫火飛陽侯鼓波竟何術大船

駕海龍來戰罷湖中血波赤至今白骨堆山邱此石灘
頑淚應滴君王掃除江海清匡廬五老復精明南朝三百
六十寺安得乘雲取次行

吳元年客韶陽戲作海桑歌

海田茫茫皆種桑鴻濛萬劫劫復長陰連壺嶠蟠空澗枝
與日月相低昂桑根老人太清史肯向人間管甲子伏莢
三十萬春秋一年一醉如流水雙鬢白盡還青青至今愛
寫換鶯經只釀松花嘗滿甕與君歌笑走沉冥

題小景

使者求才俊官船倚杏花春光連楚甸鶯語似京華松潤
藏雲密洲廻帶石斜秦淮到應賞明月滿家家

聞道

聞道潼關下黃流似海深由來天設險過者日傷心漢殿
芝房冷唐陵玉甃沉不應有佳氣鬱鬱尙如今
中夜居庸北蒼茫見帝星翠華煙漠漠沙草月熒熒象緯
尊南極鯢鵬返北溟感恩餘老象粉骨向心亭

題春日山居圖

隱者有高趣幽居不用多松濤搖石壁樵徑入煙蘿倚檻
看雲起攜琴任客過殷勤郭熙畫好句待陰何

畦樂詩爲王與齡賦

爲愛東湖水築堂臨水澗寒光夜留月白氣曉成雲花樹
不可剪藥苗時自分客來常以語琴薦對鑪薰

簡徐太守二十韻

牛女垂光遠，番馬枕海長。
藩宣開畫省，撫字屬黃堂。
銅虎未分牧，郎星暫斂芒。
化行龍伯國，春動馬人鄉。
流徙歸城邑，頑嚚棄斧斨。
苗豐戰地渴，涵盛兵糧出。
入明星爛聲容，赤芾煌衣濃。
薇苑露冠重，栢臺霜兩府。
聯賓位元戎，解佩纓已無。
鯨鯨海宜有，鳳鳴岡百貨。
流泉溢羣蠻，枕奠康昔禱。
今又袴肉霍，酒如漿。暇日同民樂，隨時愛景光。
摩挲九曜石，調笑五仙羊。
鐵柱悲劉鋹，荒臺弔越王。
霸圖童豎駿客思，海雲涼。
此日殷勤接，仍看抱送祥。
麒麟天上石，猶戰殿中郎。
傾倒情何極，吟哦興不忘。
公侯知袞袞，不數寶

家芳

送友人之鍾陵

以我白石歌壯君黃鵠遊笑騎將軍馬踏遍西山秋古之
人哲人於此懷民憂鉄柱繫長蛟斗門遏洪流地軸安其
常水靈何所求長笑蜀太守空立三犀牛繫此十萬家高
柳連城樓形勝自天開攻守由人謀綵筆爲我題宣城美
才猷寧知東湖水可以藏漁舟

溽暑作古意

濕雲涵薄霧日光如鏡塵楊花吹滿床燕雛嬌近人雙雙
白練帶銜得櫻桃新

溶溶雨沼波宿來得新魚但看萍無蹤始悟魚安居莫照
叙頭花叙落鷺雙鳧

萬下萋蒲葉換却流蘇帶雖微纂組工自是清淨態畫簾
景遲遲瑠盤香靄靄

困多病不如塵生風自卷蕉心先雨開菱花後時翦宿有
錦字書教兒枕頭展

枇杷香在手將餒隴頭鸚嬌鳴久不食振羽謝多情從今
無浪言浪言郎君驚

夜雪

耿耿茅簷下明燈看飛雪犯此太古寒因之百情熱匡山
有神人路斷梁亦絕舉目但悽恹星霜變元長狂歌白石
爛往往達明發

穗石洞天卽五仙觀仙各持一穀傍各立一石則五

羊也

吳晉紛紛日荆交攘攘時五仙持五穀爲拯斯人飢膝脩
加撫字郭璞徒城池羣生日以阜兩賢功同歸五羊上天
去白石今纍纍至今稱梁豐不數蝦蟹微瀉滴出牢盆堆
疊如山坻化爲百萬糧充君節度資兵民兩足食市井相
娛嬉懷哉五仙人垂德無窮期

金柑花

金柑花鋸霜銀雪盈極杖獨當伏日偏榮萼綠珠金彈葉
重遮半黃可恨飄箇箇數枝尙復秋始花花不成寔徒紛
葩高枝蠹穴心久癢秋高恐畏成枯槎扶蠹推鑿何當加
低株三尺陰蓬始自脫略茅與蒨試花寂歷陰晴淑秀

色已似卑梨橋后皇嘉植楚甸誇憶昨包貢天王家兼程
星火疲駟騶蓬萊歌鐘觴九霞傳柑曲宴恩波奢塵飛道
斷虎奮牙下州斬伐無根芽他園見之何悵邪天王北狩
黑海涯故侯誰種青門瓜楊梅荔子金枇杷紛紛並得登
籠笈金柑花委香屑玉同塵沙行歌花底沾烏紗歌成謾
起園官嗟

蕃塔寺

金天聖人面流沙流蘇帳暖飄金花一從蕃僧起蕃塔常
言秦越爲一家朝朝上塔呼天應天門只在蕃塔頂碧句
雙睛白纒頭大師端坐如堅忍梵莢行行只自識北音蠻
子聽不得菩提樹下學談禪彈指蘭闌笑如吃塔上金雞

四面飛可憐宛轉無定栖狂風吹落市人笑何日飄蕭渡
海歸

甘湖九曜石石皆劉漢自太湖徙置大者名九曜

藥州甘湖百丈餘中有長生之神魚天星入湖化爲石短
肥長瘦八九株醉翁上馬喚索扶蒙頭衲士病且癯熊蹲
豹躑猿狖攫麟鳳不動雲凝舒嗟哉天星母乃愚下俯與
漑甘同汗煙霖雨暗叢百怪鳴鳶糞頂鳧鳴呼嗟乎南中
不可以久留何當返爾大澤與具區

版子磯

巢湖小籠子作鎮版磯頭遊戲騰元象端居拱赤虬兩峰
攢馬斗一水挾鴻溝遙寄新詩句明珠或見投

初五宿峽山口

野燒隔江明官船畏虎停
危檣侵石峽高枕倚沙汀
樹杪初弦月蘆根數點螢
一垤香桂酒自笑獨爲醒

別曲江參謀孫舜元

北望水天冷南遊瘴海涼
衣霑椰葉露酒送荔枝漿
上相憐才美邦人沐化良
向來經濟孰知不愧龔黃

海漁公子爲宋昌裔作

我愛宋公子把竿長釣鼈
閑尋龍伯國笑指海鳥毛
眞嶠隨波轉珊瑚入網高
秦人未相識何用遣盧敖

隱居圖

寓隱茅堂僻幽尋鳥道分
晴天千嶂雨伏日萬松雲
豈是

漁樵侶應懷鴻鵠羣小橋清淺處有竹抱桐君

行年七十二

時部使者移郡勸年甲

行年七十二白髮向人羞肯羨梁江總空懷齊楚邱繡衣
願姓字皂蓋驗春秋一自周原獵難爲渭水叟

題隱者山房

隱者壺中日仙家劫外天晴虹出丹室元鶴戲芝田待客
沉香火清神枸杞泉何當謝塵事閑說赤烏年

得季子果嘉興書

聞汝蹤無定杭州定婺州雪寒探虎穴浪猛踏風舟千里
傳家問三年滯旅遊七旬今又四短髮不宜秋

方邱生隱居元洲題曰小蓬萊

元洲故是小蓬萊
鰲背煙消五色開
月鼎雲中分藥送
蓬頭海外寄書來
騎沙金屑眠龍子
芝草瑤芳養鶴胎
已辦遊山青竹杖
還能酌我紫霞杯

葛仙祠留題

思憶仙人葛稚川
舊祠冠服尙巍然
羅浮自愛留丹竈
勾漏空聞有洞天
江右蛟騰青草裏
淮南犬吠白雲邊
嬉遊得似無爲好
冷眼乾坤八十年

榕樹下別叅軍再賦就簡指揮

榕陰翠蓋倚重重
相送城南復向東
上將故多黃石略
叅軍况是紫髯翁
重題錦字雲生紙
獨轉滄浪月滿蓬
徒倚松根看野色
青山縹緲意何窮

弔賞心亭火

賞心亭上通宵火，萬里秋天駕祝融。
國內焚萊知有禁，街頭舞馬竟何窮。
秦淮浪赤蛟龍怒，王謝灰飛燕雀空。
徒想詞人懷往代，繁華想象畫圖中。

天門山

巨靈擘石鎮江干，縱有丹梯未易攀。
雲黑蛟鼉騰出峽，月明虎豹臥當關。
稍驚灑灑瀨波濤，壯宛似峨眉翠黛寒。
上有飄蕭兩黃鶴，凌風隨我振歸翰。

次九日登武山韻

丹梯高處是青山，曳杖無因一破顏。
仙境不藏雲有路，天遊長阻虎當關。
懸崖果熟猿公笑，深洞花開武姥閒。
寄語

王君須再約頌夫老矣更能瀆

寄劉孝廉

芝蘭香霧隔晴軒
圖史虹光自歲年
漢殿每需方正策
楚江猶滯孝廉船
鵝羣暖戲池中墨
藜杖寒噓閣上烟
試把月儀臨數帖
因風寄向白雲邊

鄆大善胡琴歸宜春求題

白下磯頭綠樹肥
宜春臺上白衣歸
山童把得琵琶在
惆悵開元舊譜稀

上國春風馬上郎
花間絃索斷人腸
願畱一曲清平調
別有知音在太常

馬尾蛇膚水繭絲
能吟解語意遲遲
彈到天高雲淨處
秋

江唯許白鷗知

題曲江春游圖

沙明竹軟曲江橋，折取花枝挂酒瓢。
指點杏園飛赤驥，惱人應是董嬌嬈。

題漁樂圖

柳下漁舟小亦寬，兩家十口共團圓。
樂醉來唱徹漁家傲，千丈風波冷眼看。

無題

只合長庚伴謫仙，清吟酷愛夜如年。
五更鐘動無人喚，聽聽步松梢看月圓。

題畫龍

長吟噴薄浪生花碧海銀潢處處家有客抱琴天上去迴
看鱗角似仙槎

題青山白雲

來訪仙人問白羊小橋流水繞微茫白雲滿谷青松暗定
是金華是括蒼

焦磯寺

過盡三山見翠屏金銀梵剎接青冥江心礮石何年化亦
恐飛來是落星

江西詩徵卷三十七